

摛藻堂四庫全書薈要

集部

欽定四庫全書叢要

集部

梅溪前集卷一

詳校官助教臣謝登集尚



欽定四庫全書

梅溪前集卷一

集部

宋 王十朋 撰

詩

呻吟十首

呻吟有遺士妄懷葵藿心朝夕傾太陽不耐氛穢侵肝膽有古劍願言決羣陰茲志尚鬱鬱抱膝成悲吟

古道日云邈古意誰復知陽春漠無和流水空含悲郢曲變新調鄭聲入朱絲喟然三嘆餘默與羲皇期

讀書不知道言語徒自工求道匪云遠近在義命中吾
儒有仲尼道德無比崇傳參十八章入道知其宗後學
昧極致徒知授兒童孰識孝與弟理與神明通為臣不
知此事上焉能忠

仲尼作春秋垂訓千萬年古者父母讎義不共戴天莊
同父何在乃與齊侯田魯國無臣子君親義茫然齊紀
不並立諸兒得稱賢善惡不可掩筆削至今傳

飛飛古帝魂哀哀寄春怨異鄉節物新故國人事變訴

亡誰肯憐啼苦血空濺雲安再拜人傷哉不復見

彼微雙鵠鴟飛飛同一原急難喻兄弟義著周雅篇周
公代武王大義今古傳人孰無兄弟急難斯見焉願懷
周公心無媿詩人言

竹有君子節青青貫四時桃李媚春光千株弄妖姿世
眼悅繁豔疇能賞幽奇君看桃李蹊蹄轂紛爭馳君看
竹林下形影誰相隨七賢久淪沒高躅猶可追吾家植
千竿風月足自怡豈不競時好聊為歲寒期

兀兀窓下士筆畊志良苦黃卷對聖賢慷慨深自許一朝出干祿得失戰胸宇曲意阿有司諛言徇人主貪榮無百年貽謗有千古丈夫宜自貴清議重刀斧

我豈不欲仕時命不吾與曷不枉尺求權門正旁午非道吾弗由茲心已先許願言安貧賤順命為出處

儒冠誤身世偃蹇二十年豈不懷明主富貴乃在天平生學忠孝自致無由前青燈照夜長感激徒自憐

觀國朝故事

皆在景德初邊人犯中原朝廷用萊公決策幸澶淵萬
瓊雖武夫能發忠義言詠詩退邊騎用醜樞相顏鑾輿
至北城斷橋示不還一箭斃達蘭自此銷戈鋌至仁不
忍殺和好垂百年偉哉澶淵功天子能用賢

昔在康定初元昊叛西陲朝廷起韓范節制閩外師二
公人中龍材畧超等夷胸中百萬兵對面千里機不比
大老子而為敵所欺深期復靈夏重勒燕然碑軍中果
興謠西賊心膽隳逆節遂稱臣戰士解甲歸社稷安泰

山四海絕瘡痍堂堂寧復有為作思賢詩

昔在元祐初朝廷用老成元惡首竄殛賢雋皆彙征簾
幃八年政內外咸清明四夷各自守天下幾太平紹聖
黨論起宵人壞典刑二蔡倡繼述曲學尊金陵忠良投
海島黨籍編姓名春秋亦獲罪學者專三經心術遂大
壞風俗從此傾養成前日禍中原烽火青我欲著一書
善惡深勸懲姦諛誅朽骨潛德發幽聲六賊未足罪禍

端首熙寧

富公使邊庭厲色爭獻納臣節安敢虧君恩以死答煌
煌中國尊忍為異方屈堂堂漢使者剛氣不可折斯人
嗟已亡英風復誰接銜命邊庭人偷生真婢妾

灑灑岸下水

灑灑岸下水汝流欲何之但見日東注寧有還源期凡
父川上嘆逝者亦如斯人生百年間擾擾無已時利名
役初心百歡無一追待汝後知悔棄榆景堪悲感此盍
悟彼毋為浪吁嘻

宣和乙巳冬大雪次表叔賈元實韻

天公昨夜屑瓊花三尺深深曉更加柳不待春先起絮
梅非因笛自飛華牧羊大窖人何在駐馬藍關路更賒
安得晴天開萬里行人愁思渺無涯

傷時感懷

三萬六千成擲梭歡娛常少愁常多干戈今日猶未定
書劍他年知若何淡蕩三秋冷時節蕭條萬里空山河
傷時眼淚滿襟血更把少陵詩句哦

帝鄉五載亂離中
億萬蒼生陷棘叢
二聖遠征沙漠北
六龍遙渡浙江東
斬姦盡請朱雲劒
射敵宜貫李廣弓
借問秦庭誰慟哭
草茅無路獻孤忠

駕幸溫州次僧宗覺韻

聖主南巡駐六飛
邦人咫尺見天威
間關高帝尚鞍馬
謹厚漢光猶絳衣
北斗城池增王氣
東甌山水發清輝
佇看天仗還京闕
無復旄頭彗紫微

溫城七山成斗形

次韻謙仲見寄

湖山藍黛青湖水琉璃碧我時湖邊游山水正秋色詩
翁偶乘興來作湖邊客談鋒兩初交意氣已相得詩壇
予與盟文會公為伯豪詞肆滂沛淡語入幽寂心匠巧
雕斲物態窮搜覓壯哉五言城卓爾萬仞壁初疑公腸
胃百怪所窟宅吐氣干雲霄直欲鬪霹靂妙奪解牛術
奏刀聲砉割我才寸建微洪鐘詎能擊又如鳴蟋蟀啾
然和金石未窺學藩籬敢語詩與贋繆為馬慕韓浪作
赤效白獎拔非所蒙猖狂固宜責新篇又拜嘉開緘光

豔射藏之比明珠長使夜照席惜哉不遇時豈為臧倉
隔儒冠五十年世路疲行役操矛赴文場戰藝輒敗止
書劍兩無成泥塗困蹤跡龍鍾似東野窮愁攬懷臆空
吟三百篇高視古無敵霜風剪林木黃葉滿澤國我思
公不見羸馬未能策恨無神僊術安得生兩翼因名管
城穎免冠加拂拭書帛寄征鴻心目兩俱極

送凌知監赴玉環次覺無象韻

晨興趣行裝秋色滿離席悲風苦送聲短晷頻移刻蘭

舟薄暮發去去轉遐僻極目望官所沉沉煙靄積清有
濯纓水白有漱齒石悠然水石間宦情聊自適朝馬游
其南暮馬戲其北王環有南北社彼微山中鳥亦將識公德公
無賦歸去田園付人役

答毛唐卿虞卿借昌黎集

予少不知學古難學古直欲學到韓奈何韓實不易學
但覺晝夜心力殫茫然故步亦已失有類壽陵學邯鄲
雖然予心未肯已尚欲勉強求其端跬步不休效駑馬

千里未至空長嘆羨君兄弟俱早慧家學豈止傳柔溫
聖經賢傳飲已久百家諸子皆蠹殘學文要須學韓子
此外衆說徒曼曼韓子皇皇慕仁義力排佛老回狂瀾
三百年來道益貴太山壯斗世仰觀我生於今望之遠
時時開卷相欣懽豈惟廬陵惜舊本我亦惜此祇自看
予今欲假敢違命願子寶之同琅玕

辛亥九日侍家君同孫子淵子昭子尚登高於
家之東山時菊花未開坐客皆以為恨至十月

望獨步東籬下見前日青枝已爛漫矣東坡云
涼天佳月即中秋菊花開日乃重陽不以日月
斷也於是命酒肴呼隣里飲於叢畔云

前日重陽日與客同登翫有酒無菊花把盃一長歎良
辰苦易失十月今又半緬焉想前遊獨到東籬畔鮮鮮
霜中菊滿地金錢粲我思東坡言隣里乃相喚斬新作
重九不以日月斷人生貴適意世俗豈能絆遇酒羣歡
樂取醉期爛漫羲和馭白日疾劇走丸彈百年能幾何

不飲乃癡漢

次韻季仲默見寄

予少擇交游有友四五子仲默姿不凡好學喜觀史寄
我新詩章我驚欲掩耳昔日心未降而今已降矣我久
事章句滋味一盃水平生况多愚於已不自揣林間等
蟬噪井底作蛙視今焉見君詩吾誠二蟲比豈敢妬且
熟低頭拜不止思欲和其音兀坐輒忘起沉吟竟不成
徒覺倦兩髀從今焚筆硯不復坐書几

題湖邊莊

十里青山蔭碧湖。湖邊風物畫難如。
夕陽茅舍客沽酒，明月小橋人釣魚。
舊卜草莊臨水竹，來尋野叟問耕鋤。
他年待掛衣冠後，乘興扁舟取次居。

湖邊懷劉謙仲

湖山如畫水如藍。杖屨湖邊酒半酣。
往事蕭條誰共說，舊游零落我何堪。
炎涼世態從他變，生死交情祇自諳。
詩客有魂招不得，秋風依舊滿江南。

寄孫永之

名龜年沂州人

詠歌沂水舞雩風氣壓當時冠與童人似賈生年更少
家傳孫綽賦尤工孤羆傲兀深叢裡一鶴軒昂衆鳥中
早取功名寄衣鉢古來相種出山東

寄毛虞卿

名公弼後改名宏
字叔度登乙丑第

文會今年喜重尋葭姿玉質又同林弟兄並秀如君少
朋友相知獨我深一別幾勞終夜夢相逢更話百年心
長卿賦有凌雲志却笑區區蚓竅吟

虞卿工賦嘗笑予作詩而不事舉業

次韻虞卿送別

喜君直諒更多聞共惜光陰寸與分螢照夜窓纔煖席
蟬吟秋樹又離羣尊前忍聽陽關曲江上愁看日暮雲
別後誰能慰牢落錦囊長帶故人文

次韻劉方叔見寄

名鎮登戊辰科

交情貴久豈須頻我輩尤宜率且真子政有孫誠益友
長卿何代乏詩人論文初喜逢知己言志深期共致身
箕斗相望正南北潁川何夕聚荀陳

寄方叔

故人一別路漫漫又覺春生到水村魚躍雁飛空注目
柳開梅落自消魂唱酬應有詩千首談笑長懷酒一尊
正是剛腸九回處子規聲斷月黃昏

潘岐哥

鶴溪先生聚徒於樂清之鹿巖既久因家焉辛卯秋
得子名之曰岐哥次歲孟春書來語曰吾家岐哥以
某年月日生盍以詩贈之某不敢辭先生名翼字雄

飛

君不見鳳之雛驥之子潘家岐哥無乃是鶴溪仙子降
英靈雁蕩名山鍾秀美顏色純明白玉璞精神皎潔秋
江水胷中之氣已吞牛開眼睛光如虎視此児奇絕非
常兒小子觀人蓋多矣寧非漢代偷桃朔別是唐家謫
仙李愚知先生百不憂但患此児名盛耳先生才高爵
未綰賴渠力振家聲起鹿嵩他日築高門車馬煌煌塞

間里

贈余取新

小邑那能敵大邦與君角力固非雙氣驕欲縱偏師戰
勢屈翻求壯面降深懼操戈重入室自慚閣筆久臨窓
定知紙價從今貴余子詩名滿蜃江

次韻督監務早梅

羣芳避路放梅開尋走遊人滿砌苔半樹溪邊衝雪破
一枝頭上帶春回月移瘦影供吟興風薦幽香襲酒盃
剛被西湖都道盡至今詩客句難裁

寄賈一節

無奈窮冬易感傷况添離別助淒涼五更殘月頻成夢
十里青山幾斷腸短棹未乘晨雪去尺書聊遣暮鴻將
少年勉力親燈火要使家聲繼洛陽

孫子尚過明慶以詩見招未及往次韻

荆溪未起子猷尋空對溪山恨滿襟孤雁遠來天杳杳
故人相望雪深深思君一日成三歲寄我行書直萬金
惆悵今宵一尊酒好邀明月伴孤斟

送子尚如浙西

嗟我窮居海之角人物素殊鄉魯俗年雖及冠無交游
孤陋寡聞真獨學閉門不出長太息思得其人共磨琢
孫子往從西北來頭角軒軒真一鶴飄飄逸氣凌雲霄
凜凜高談吐鋒鍔文辭翰墨兩奇絕世上羣鬼徒碌碌
我昔風期一相遇欣然握手論心腹衡茅三度枉車軒
書劍連年共燈燭論交自喜得房杜言志端能效來郝
長篇短韻迭賡唱明月清風共斟酌囊無一錢身不憂

食止一簞貧自樂有友如君復何憾百不爲多一已足
令焉捨我將何之遂使江鄉復蕭索南國初寒旅鴈來
吳江已冷丹楓落惜君不盡與君別兀坐無言情更惡
干戈未息行路難胡馬今猶飲河洛京國有家歸未得
錢塘此去仍棲託會須徒步謁天子慨然一吐胷中畧
請纓縛虜壯志士庶使平時語無怍相將緩律破寒梅

驛筒遠寄無辭數

懷子尚

滿眼干戈行路難故人千里駐征鞍
幾勞終日馳魂夢安得乘風插羽翰
水壯山南春寂寂天涯海角路漫漫
欲憑人寄新消息手把梅枝仔細看

樂清僧寮有過客錢之翰題二絕有傷時之嘆
因次其韻

終日傷心淚濺花干戈滿眼恨無涯衣冠南渡如東晉
安得車書混一家

功名誰復漢嫖姚壯士逢時豈憚勞半夜飛來看寶劒

此身端許擲鴻毛

讀親征詔書二首

甲寅季冬讀親征詔書哀痛切骨畊畝愛君情至於此食祿者義當何如胸中展轉不能自己故作二詩邊境何時息戰爭久聞諸將擁彊兵中原未雪十年恥聖主自勞千里征楚國羣臣誰慟哭杜陵野客自吞聲君恩壓頂丘山重命擲鴻毛未是輕

諸將年來已極榮回看煙閣欠功名八年猶未平淮甸

一戰那能復帝京
畎畝忠臣自憂國
問問小子妄談兵
憑誰決破天河水
一洗乾坤萬里清

次韻題曹大夫懷忠閣

小閣誰懷畎畝情
遙瞻天日眼增明
平生憂國丹心在
一飯思君血淚橫
豐沛功臣真有種
并汾壯士素蜚聲
區區問舍求田者
應被元龍一笑輕

聞韓帥世忠退保丹陽遠近憂懼州縣議結鄉

兵以備不虞閭巷少年貫弓走馬若有得色感

而有作

北敵縱橫未剪齊王師退保浙江西羽書日報猶未息
戎捷遠來何太稽千里戰雲新鬼哭滿天陰雨夜烏啼
臂弓腰箭誰家子竟日鳴鞭躍馬蹄

和劉方叔溪上一絕

杖屨徘徊駐碧溪遙看飛瀑下崔嵬乘槎欲訪吹簫客
煙草茫茫沒舊臺

和方叔見贈二絕

相對清談味有餘始知勝讀十年書塵襟不用頻揮麈
自有清風為掃除

一舍蕭然學有餘窓間遮眼盡文書已將事業盟燈火
萬事何煩酒破除

得陳商霖書

山館無人慰索居喜君交契有終初扁舟方起雪溪興
尺素又傳魚腹書炊黍定尋前日約題詩寧怨故人疎
好來相共親燈火可惜青春度莫虛

昔與南浦劉謙仲大梁孫子尚游自劉死橫陽
孫亦有浙西之役交舊零落為之慨然感而有
作

劉翁泯泯已新鬼孫子飄飄猶旅人詩酒舊游誰在眼
江山回首自傷神招魂擬就橫陽道有夢長飛雪水濱
死者不生生者別死生離別兩沾巾

次韻李刑曹病起書懷

中原回首尚塵飛書劍南來早識機方事高眠學安石

却愁多病似王徽
腸枯謾有書千卷
腰瘦難勝帶十圍
志士未逢聊尔耳
古人何用泣牛衣

又用前韻

文園病思亂如飛
禪榻逍遙謾息機
漸喜珠絲封藥裹
未容鶴髮上簪微
酒能伐性聊須止
暮恐勞神未敢圍
惟有詩懷禁不得
任他憔瘦不勝衣

送曹大夫赴行在所

西北連年殺氣高
羣盜橫行如蝟毛
廩頗李牧不世出

吾皇側席心焦勞汾陽自古多壯士曹侯意氣千人豪
年今四十猶偃蹇拊髀長歎淹龍韜慨然揮袂謁行在
報國已淬腰間刀登壇拜將預指日看君舉手清風濤

梅溪前集卷一

欽定四庫全書叢要卷一萬五千八百三十八

集部

梅溪前集卷二

宋 王十朋 撰

詩

送表叔賈元範赴省試

賈公西赴大試鄉人於其行也咸祝之曰公昔不遠
千里徒步京師游太學戰藝術之場登賢能之書矣
不幸見黜於禮部今日之行焚舟之舉也又祝曰吾
邑士風委靡不振自舍法罷四閱科舉羣試有司無

占名者公此行雪寒鄉累年之恥矣又祝曰國步方
艱聖君側席下詔求士非止修故事而已公平昔議
論挺挺激昂士類令試藝南宮發策帝庭固宜一撾
素蘊直言救世非為取一第資也某采輿人之祝作
詩以送之

河東先生才行高昔游太學聯烝髦雄文偉論萬人敵
糠秕欹向奴劉曹搏風自許九萬里肯作斥鶲游蓬蒿
禮闈一戰果得雋妙割不折庖丁刀禮部無端抑韓子

至今士論猶噭噭霜蹄暫蹶志益銳不學郊島徒悲號
聖君圖治方側席茲復下詔求賢豪壯懷恩雪會稽恥
廣場猛效蘭臯廬焚舟決勝在此舉鄉閭屬望心焦勞
天庭射策決素蘊忠言筆底驅風濤區區一第溷君耳
要將事業窺伊臯瓊林宴罷躍歸騎薰風拂面吹恩袍

答季仲宜

名誼

我昔從君伯氏游短素長牋日唱酬凌雲健筆驅山丘
欲追李杜參曹劉子今又復振風流可人一氣真吾儕

明珠白璧蒙暗投自揣無堪但增羞君家棠棣才俱優
吾知徐公百不憂更能勉力追前修俯拾青紫何須求

夜聽雙瀑同劉方叔毛虞卿聯句

夜靜雙瀑喧遙聞疑雨來澗壑生清風襟宇捐纖埃

齡龜

飛鳴撼半空暗想飄瓊珮前觀阻步屢側耳成徘徊

虞卿

蕭然山館間此興何悠哉子晉不復見月白空蕭臺

方叔

對月同方叔聯句

與君坐階除遙望海上月

方叔試舉太白益借問幾圓缺

齡龜

人生易分散動作隔年別

方叔

今宵對嬋娟莫放酣歌

絕齡

游簫峯

蠟屐穿雲去山深喜路通人家烟色裏古寺水聲中金
璣星猶在丹成竈已空吹簫人不見臺下想仙風

題雙瀑

瀑水簫峯下靈源不可尋倚天雙寶劍點石萬星金勢
合鯨鯢鬪聲聯虎豹吟我來游勝境洗耳聽清音

送劉方叔薦簡全之

相見無多日依前又素居斷魂梅的皪過眼柳蕭疏
馬來時路征鴻別後書君歸見溫叟為我問何如

送陳商霖

相逢猶未歎作別太匆匆日落江東莫人歸冀北空音
塵應暫隔談笑更誰同回首簫峯外明朝我亦東

畫臥書懷

書齋終日無人過閉戶便便事高卧炎蒸爍體汗流珠

蚊蚋費拍蠅勞驅南窓清風可供客一枕萬錢無計得
夢魂未到鄉無何起來搔首空吟哦

用前韻贈劉全之

一聲啼鳥簷間過喚起幽人午窓卧甕頭一滴價如珠
窮愁袞袞憑誰驅溪畔相逢盡詩客豪邁獨輸劉夢得
篇章自有神誰何詎向元白參吟哦

有客贈酒同舍終夕盡歡復用前韻

濁醪不向牆頭過吏部方思甕間卧書齋得酒勝得珠

萬事盡向杯中驅
坐中俱是高陽客
一笑相逢寧易得
明朝酒醒奈愁何
勸君莫惜同吟哦

復用前韻

歲月侵尋等閒過
草廬尚作南陽卧
報國未為蛇吐珠
許身定與誰
齊驅謾比凌雲詞
賦客意氣飄飄真自得
金溪風月價幾何
要須買斷共吟哦

戲酬毛虞卿見和

杜門不願高軒過
聊學東山謝公卧
傷時淚泣鮫人珠

揮毫寫憇風雨驅友生笑我為狂客齊楚未須論失得
他年功業定如何醉中細把君詩哦

懷歸預別同舍

長念雙親垂素髮不奉甘旨今數月溪山雖好何如歸
吾心已逐秋雲飛欲別良朋重嗚咽催人啼鳥聲何切
明日琴書隨我東何時尊酒重相逢

寄僧覺無象

我昔居鹿巖時來潛澗游西坡訪覺老終日為遲留高

談窮古今滿座風生秋令我名利心一聽渾欲休論詩
出古律有唱無不酬篇章溢縑素錦綉爛然浮此老豈
易得當於前輩求吾生恨太晚見師已白頭儒釋道不
同相從苦無由三年游金溪兀坐顏常愀出門無游從
獨賦臨清流金溪可無僧孰是西坡儔深房鎖花木妙
供羅珍羞益作潛澗思剛腸如轉輶魂夢不自禁夜夜
飛山陬前日遇諸塗一笑忘百憂相視未及語歸袖風
颼颼別來能幾時不覺歲月遒聞師結蓮社旦暮事真

修我狂似靈運此志那能投

覺無象和

附錄

少年詞賦客昔與山翁游暫抑驛騮姿聊伴鹽車留
幽坡賞春色明月同高秋君才如鮑昭顧我非湯休
木桃時一投瓊瑤三四酬可憐橫海鱗尺水難沉浮
飄然拂袖去形影那容求早莫哦君詩書空復搔頭
邇來三年餘擬君荐經由長篇忽見遺頓覺驅煩懨
君馬何太駛追蹤謫僊流錦綉滿腸胃詞人孰能傳

故將西子容來貽嫫姆羞行看復坐吟終日如軻軻
安得君書齋移來近前取論文與談笑一釋老者憂
春禽畫聒聒牕風夜颺颺懷君不成寐頻驚節物道
君文已造妙君德當慎修謁帝明光宮隋珠那暗投
秋日山林即事次叔父寶印師韻

蕭蕭頻未生秋聲登臨遐想蘭臺英天高氣清水碧色
明月相映光如瓊脫葉翩翻下深樾蓮社高人詩興發
講外吟餘心更閒白雲滿袖眠禪窟竹徑通幽人不來

鳥鳴山靜獨徘徊應笑世間名利客一生擾擾徒悲哀
清涼滌煩襟塵慮脫心境山城過疎雨水國生新景蟲
鳴月滿林雁度雲橫嶺感物夜九起謀身日三省平生
功名心鬱鬱猶未逞深羨白雲人身閒時自永

和懷孫子尚二絕

澤國蕭蕭晚吹涼東籬黃菊為誰香故人一別路千里
夜雨何時更對床

記得曩時訪我游壁間文字數行留溪山風月依然好

不對芳尊又一秋

季令生日 八月十四

佳氣光芒藹劒池慶門呈瑞應熊羆人間秋色平分際
天上冰輪欲滿時何處楚丘占季子自應無忌似牢之
何羣甥姮娥預把蟾宮桂歲歲飄香薦壽卮

徐丞生日 九月初八

日月俱陽節物新先期誰應菊花辰未於崧嶽生賢佐
且向柯山出異人月吐霜天鍾氣象江涵秋水聚精神

華堂獻壽人多少盡是明朝落帽賓

思友

夜雨暗點滴窓風冷掀翻藜牀卧幽獨好夢俄驚殘故人在何處遠隔烟水村欹枕不復見傷心涕汎瀾

縣學落成百韻

新學告成祀事既畢賢大夫與邑之多士講鄉飲酒禮無媿魯泮風真一時偉觀也某非史克雖不能作為歌頌以揄揚盛德萬一輒不揆課成律詩一百韻

炎正中微後皇家再造年斯文天未喪吾道聖相傳
宸端周冕巖廊拱舜絃宸章麗朝日奎畫煥中天賈馬
朝丹闕皇變捧御筵雲龍慶相遇星鳳快爭先金馬袍
披錦戎亭帳旒幢崇儒符漢武復古慕周宣方議成均
制仍增博士員佇觀旂筏行賁帛更交詞賦揚羣彥
賢良策萬全圜橋漢億萬鼓篋魯三千狂客休歌鳳騷
人肯釣鯿文風暢陬溼士氣振垓埏王化誠無外吾邦
素自偏魚鹽人競習刀筆世相沿甘學樊遲稼紛求許

汜田挪櫛戲縫掖膜唄奉真詮未振寒鄉陋那經殺氣
纏間間森白刃庠序燎寒煙斷簡嗟何考青衿痛自憐
詩存傷瓠葉禮廢憶豚肩磬碎交州石弓焚叟相弦水
流空漁渙草碧自芊芊有識思興起無知分棄捐桑弧
誰復射城闕孰思還弟子貧原憲先生冷鄭虔嗣音幾
泯滅素業遂违遭婁應三年詔曾徵萬選錢龍門無幾
到虎榜不多瞧愈賦徒傷感郊腸厭炒煎儒冠空嘆誤
鐵硯莫知研白日非偏照寒灰自不然百年嗟委靡今

日幸寅緣令尹真人傑同僚命世賢崔丞老文學梅尉
舊神仙樂善誠何篤承流志更專下車傷弊俗修泮幕
遺編浮議疇能奪良謀斷不愆商財方萃聚卜日肯遷
延役命諸生董基謀爽塏遷鄧林搜翁鬱淇竹翦蟬娟
祕殿雄千尺脩廊跨百蜃虹梁掛天宇雲棟軼星躔縹
縹飛鴛瓦沉沉耀采椽沚莪春色早壇杏午陰圓方沼
分寒溜明窻瞰碧連前山昂馬首勝地奪龍眠瀑水靈
源近簫峯秀色妍規模何廓廓氣象更綿綿先聖風流

遠新宮象貌鮮森羅龍袞列肅穆雁行連劍珮星辰上
丹青日月邊衣裳明黼黻冕飾紜綰祀事脩崇報心
齋務至蠲新儀仍再習告目已重涓漏箭催庭燎鸞刀
待餼牽充庭端弁服夾道擁車駢秉笏趨帷幄升階省
豆籩馨香登黍稷肥腯薦牲栓蔬擷羅芹藻魚羞備冕
鯀犧尊澄玉液寶篆噴龍涎薦裸仍更貌觀瞻競曲拳
禮文稽戴鄭樂舞奏韶卷設禮筵初秩登門屢已填盍
簪聯桂玉紉佩雜蘭荃飾喜捐絲竹論文具管牋獻酬

咸僂僵進退各周旋揮麈談飛屑濡毫思湧泉妙詞歌
郢客醉墨灑張顛共喜從于邁俱忘詠式遄武紛堂上
接衣擁坐隅褰父鄙金簾滿師誇腹笥便雲風開性柳
教雨長材梗鼓瑟求曾點攀鱗至閔騫水平翻振鶯天
闊戾飛鳶友思遷木驛羣盡着鞭草空收七璧雀過
墮三鱣道也將行矣辰乎盍勉旃搜尋羅簡札點勘費
丹鉛潔淨窮文象溫柔考注箋典謨稽古學創制究殘
編異教排韓子遺經抱玉川壯夫羞篆刻童子悟幽玄

道德勤鑽仰文章變儼駢科名真溷爾翰墨蓋游焉雪
耻終興越成功必霸燕真成兩闕里別是一陶甄化出
文翁表功居范甯前聲華終不朽琬琰豈須鐫末學成
鳩拙窮居類兔跼腸枯無錦綉門冷乏貘蟬簞食雖云
樂慕牀已厭穿室空司馬壁食窘魯公餧誤拜駁陵賜
長懷渭水畋斷絃音寂寞抱玉涕潺湲覽鏡時猶在焚
舟志益堅燕歸欣遇履魚得敢忘筌願赴功名會終歸
造化權唯憑大爐火早晚鑄顏淵

送劉方叔季文游鴈山

二客騷腸不耐秋，飄然蠶屐去尋幽。
蕩中若要窮青眼，巖下先須問白頭。
詩社不容添異姓，名山應喜遇清流。
會須乘興天台去，澗水桃花訪舊游。

李文嘗有詩云醉鄉須待我詩社莫

人添

游西岑遇雨

西岑風物秋更嘉，杖藜出郭歎無涯。
深村有酒隔烟渚，共乘小艇穿蘆花。
羅裙綽約越溪女，茅舍迫窄吳儂家。

牀頭新釀喜正熟千金倒甕傾流霞天公傭我一日樂
俄然雨脚來如麻醉歸扶路泥沒股冠巾不整頭鬟鬆
人生貴在適意耳安能局縮身如蝸杖頭有錢即相覓
明日更泛仙源槎

幽居三詠

脩竹

我得家傳好此君剩裁千挺拂青雲塵埃不掃自然去
風月有餘誰可分萬籜蒼龍春後見滿軒鳴玉夜深聞

時時助我毫端興宜與江山共策勲

黃楊

兵火回頭二十年吾家此樹實青氈兒時尚及見封植
亂後那知獨保全雖荷生成能翁鬱不經剪拂豈園
主翁不忍加斤斧舊物於人最可憐

丁香花

玄冬萬木落如掃苦恨江梅開不早誰言菊後便無花
更有丁香慰枯槁雨膏碧葉剪琉璃風薦幽葩噴龍腦

小軒深院夜淒清月白霜寒天色好素面含情宋玉愁
仙肌帶濕真妃潔何人為取藥中名端為花能除病惱
我時獨步瓊枝邊相向無言意傾倒臨風三嗅更徘徊
研墨為花加品藻

鄭丞生日 九日

九日人間氣象新鄭公家誕少康成玉山肌骨侵人瑩
秋水精神照坐明奕世簪纓真烜赫冲天頭角正崢嶸
願公此日身長健醉把茱萸泛壽觥

賢關當日廁英游意氣軒軒壓輩流心授廣文真翰墨
家傳北海舊春秋棠陰惠愛留三邑蓮幕聲名重一州
賓客盈門望推轂藍田松竹可能留

縣學別同舍

蕭瑟秋聲起桂枝登臨誰賦送將歸伴人燈火情猶在
過眼烟雲事已非記取蘆鹽同冷落忍教襟袂遽分違
明朝一笑江山隔望斷日邊鴻雁飛

次韻曾尉易任青田留別

曾名汪字萬頃

梅僊樂教意尤勤絳帳煎膏至夜分心學盡傳隋董薛
詞章高壓漢卿雲誰知有力能攘我不許諸生久借君
駟馬重來定何日好看雙桂散清芬

曾嘗於縣學植雙桂

淫雨

春雨無端苦漫淫滿天飛霧日光沉出門蒸潤濡衣重
歸路泥塗沒股深欲與陽烏開烈鑪試呼風伯掃煩陰
明朝會見佳天氣只恐春歸無處尋

仰先生挽詞

文蔚字國華黃公度榜登科授政和簿未赴而卒

諸生亥亥登科第造物苦公深可憐身到蟾宮都幾日
名書鬼錄已經年數同子厚無如命才似韓公合在天
慎水諸生哭相向築場無計媿前賢

寄潘先生

先生聚徒明慶兩歲三遷近得懺院諸生粗安迹先
生猶無託宿之地寓榻於僧房院有一室頗佳主僧
扃鎖以待官客因作是詩

蕭疎鬢髮老安仁才出人頭未免貧書劍一生長骯髒

罄鹽到處只酸辛招提夜永眠無室絳帳春寒坐乏茵
莫怪閭梨不具眼先生未見宰官身

次韻潘先生莫春感懷見寄

緬想長安覺夜長先生投老困文場幾吟白雪眠蕭寺
誰薦凌雲達未央鼠目塵頭多富貴免葵燕麥自悲傷
感春情思如雲亂排悶題詩寄草堂

至樂齋讀書

權門跡不到顏菴自安貧獨與聖賢對更於燈火親夜

觀常及子晝諷直從寅莫恨成名晚詩書不負人

用前韻酬昌齡弟

原憲曾非病陳平豈久貧路遙騏驥困原近鶴鵠親

几坐窮夕更籌聽報寅田園勞爾輩媿是素狼人

予拙於治

生每以田園勞二弟昌齡詩云詩書滿腸腹應笑帶經人予愧其言故云

懷孫子尚

孫郎何事久無書又見青春柳拂渠千里阻山仍阻水
三年無鴈亦無魚弟兄况寧多好囊橐年來莫久虛

海角天涯兩形影別時長記涕漣如

懷姜渭叟兼簡謝守中用前韻

渭叟名大昌
守中名起

姜郎何事久無書令我青春最憶渠
別後又孤詩與酒怪來都斷雁并魚
守株身世俱非巧畫餅聲名總是虛
隔壁蕙連無恙否池塘春草句何如

懷劉方叔兼簡全之用前韻

劉郎何事久無書夢裏頻頻却見渠
往事真同塞翁馬此身何異蠹書魚
嚴親白髮皆如許吾輩青春度莫虛

意氣飄飄羨溫叟凌雲詞賦壓相如全之得
漕薦

子尚之往浙西也有別予詩云中原回首尚風塵
世事徒驚日月新羈旅不堪頻作別壯懷雖在已
甘貧南來求友傳三益西去論心有幾人別後夢
魂何處是祇應來往慎江濱一別八年不通書已
三載聞在姑蘇甚無聊故思之渭叟嘗有懷僕詩
云左原消息杳無聞令我愁懷似亂雲多病廢詩
薰廢酒青春孤我亦孤君要同學問文章樂無奈

東西南北分況是一簷殘雨後落花飛絮雨紛紛
與渭叟別又經年矣故有孤詩酒之句庚申秋予
敗舉欲廢經而用賦方叔以詩見寄云須知失馬
事莫廢獲麟書往事真同塞翁馬蓋用方叔詩也
三子皆豪邁有文采能歌詩予辱與之交甚厚今
俱不在眼故各以詩見意時辛酉季春也壬戌二
月八日因錄舊藁遂跋于后

述懷

吾年三十百無堪世事如麻總未諳揚子家貧那嗜酒
盧全丁白更添男回頭場屋心幾折混迹泥塗分固甘
賴有東臯遺業在剩裁桑柘教妻蠶

劉方叔昔書一絕于後云山北山南春雨足漠漠
柔桑秀如沃儂家荆婦幾時歸西疇獨自驅黃犢
姜渭叟見之謂二詩貧富氣象不同今二十三年
矣予貧乃甚於方叔也隆興改元十月書

夜雨述懷

夜深風雨撼庭芭
喚起新愁似亂麻
夢覺尚疑身是蝶
病蘇方悟影非蛇
澆腸竹葉頻生暈
照眼銀缸自結花
我在故鄉非逆旅
不煩杜宇喚歸家

梅溪前集卷二

欽定四庫全書 舊要卷一萬五千八百三十九集部

梅溪前集卷三

宋 王十朋 撰

詩

送元範赴省

清峭霜天振羽翰共觀一鶻氣軒軒願將柱腹書千卷
盡作憂時策萬言請繫單于同太傅不阿人主異公孫
龍頭素是君家物又見傳呼賈狀元

國朝賞點賈安宅皆狀元

送劉政孫

蚕歲聲鼙舍法中漕臺前日始收功辛勤半世釐鹽學
慷慨平生昧軒忠作佛肯居靈運後登仙更與阮郎同
瓊林宴罷游天祿太一然藜定照公

送劉全之

綠衣堂上別慈顏匹馬揚鞭指帝闕千里清風生腋下
十分黃氣滿眉間手探春信尋梅去袖帶天香折桂還
定向蓬萊燕仙侶為言子晉在江山

前詩送三鄉丈行雖各獻芹然非所以勉子大

夫茂明大對之意更為古詩一章

北敵屢北仍跳梁中興事業猶渺茫當今取士異平日
非為故事開科場廟堂方諱口打賊翻詆正論為猖狂
紛紛兒輩苟富貴妄引申伯深阿王公孫老儒亦曲學
不敢正色言堯湯徒令天下慷慨士肝膽一効生光芒
前年胡公以言逐言今已驗官未復近日徑山緣賦詩
裹頭衣白投荒服忠良自此多結舌道路相看徒以目
誰能言事如靖康陳東已死歐陽戮國家養士恩至渥

干戈不廢菁莪育諸公報國當如何莫把剛腸慕梁肉
丈夫一第何足道幸勿以此存懷抱賈生當獻太息流
涕痛哭書更施三表五餌請為屬國繫單于大劉小劉
展盡畎畝惓惓忠弘恭石顯輩視之當與奴僕同

詠柳

東君於此最鍾情粧點村村入畫屏向我無言眉自展
與人非故眼猶青縈牽別恨絲千尺斷送春光絮一亭
葉底黃鸝音更好隔溪烟雨醉時聽

次韻潘先生寒食有感

花媚韶光柳美煙簫聲處處賣餠天誰知子厚懷桑梓
北望長號又一年

無賴楊花趁暖風旅中節物與愁逢一聲杜宇啼春怨
知在花梢第幾重

人間寒食幾經年甲子誰能記後先且盡一杯藍尾酒
莫將身事惱生前

悼僧德芬

身着方袍十一年緇林頭角稍軒軒參禪早悟前三肯
學道思歸不二門花落絮飛浮世盡風清月白片心存
異時我作高僧傳為記嚴公有此孫芬乃寶印弟子

嚴闍梨法孫也

妙齡蕭灑脫塵籠高揖禪林話苦空萬水千山新道眼
一瓶二鉢舊家風圓鋒肇論能知趣筆法詩章稍自工
圓澤精魂定何所想隨流水到天童

悼禪法師

閣中高隱歲華深龜鶴精神老不侵寶劍妙傳驅鬼術

靈丹長有濟人心彌明石鼎方聯句洪景袈裟遍掩食
借問青牛何處去九天雲路杳難尋

毛虞卿見過

故人訪吾廬况是清和節高槐綠成陰芳草碧未歇携
手山間行清興浩然發呼童具鷄黍濁酒醕初滌貧居
媿荒涼野菽草羅列盤實飣梅豆蔬餐薦薇蕨主禮雖
甚微客色未嘗缺醉翁山水意不為壺觴設蟠眼煎新
汲雀舌烹春擷澆君文字腸掉我清談舌人生會面難

歲月易飄忽君姑為我留忽忽莫言別

讀孫子尚舊所寄書

故人之書不易得片紙隻字皆可惜收拾永為巾笥藏
縱得千金不願易開緘展轉時一讀讀未能終淚橫腮
之人門地盛衣冠萬里家居帝王宅干戈繚繞飄吾鄉
傾蓋論交似疇昔我年初冠君猶少握手游從忝聯璧
金溪風月供醉吟君唱我酬常即席君詩句句清且新
高壓曹劉倒元白我才短淺何足論彊伴寧容小生敵

追風駿足橫海鱗暫困鹽車與汙澤掉頭一去不可尋

南北茫茫烟水隔往年雁字時復傳近日詩筒杳難覓

眼中不見故人面紙上空懷故人迹人生會合能幾回

一別八年同瞬息我去無由君不來尊酒相逢更何夕

宋彥才挽詞

德著吾鄉月旦評丘園蕭散傲虛名袍雖不奪詩尤好
秋不曾悲賦自清早掛儒冠知有命晚憑貝葉悟無生
人間月落天池後定向維摩頂上行

宋孺人挽詞 劉方叔繼母

晚歲歸來奉伯鸞力將勤儉濟艱難鹿車共挽甘從鮑
熊膽親調欲慕韓鏡裏玉容猶未老夢中銀漏忽驚殘
通家賤子非房杜長記登門酒盡歡

先君子去世五十日孤某入四友室覩平生遺
迹哀號痛哭絕而復蘇既而書四十字以寄固
極之思

先子神何在人亡迹尚存業餘經史案趣寄聖賢尊榻

冷寧欹枕堂虛已掩門晨昏徒泣血無路報深恩

李府君挽詞

利塗名路兩崎嶇甘向田園事陸沉一頃膏腴生計足
四時香火佛緣深築門東海于公意教子燕山寶老心
銜涕為公銘隱德不緣諛墓欲黃金

陳景公挽詞

冠玉堂堂骨相奇起家消息露著龜齒牙不妄千金諾
度量難窺萬頃陂車轍過門多長者箕裘傳業有佳兒

西園新卜松楸地記得公顏向此怡

公園有怡顏
亭今葬其上

先子於公分頗深晚年出處恨商參雖脩北海通家好
未遂香山會老心盡道吉人俱未艾誰知凶訃遽相尋
三年落盡思親淚今日登門又滿襟

次韻萬喬年李唐英二絕

七賢林下共忘機更有新詩為發揮竹葉一尊添逸興
薰風吹散臉紅微

譽舍炎炎畏日長竹亭取次納新涼文章風月須兼美

莫使時人恨海棠

送章生端武

麟經絕筆今幾年學者異說何紛然操矛入室務相伐
誰能浚井得美泉梅溪野人獨好古遺經獨抱期心傳
從予講論有趙陸得趣往往忘蹄筌章生妙齡固可畏
聖經賢傳思窮研贏糧遠來若有意席未及暖俄言還
豈厭先生紙上語奧境不見徒留連春秋明日遂東矣

情鍾我輩徒拳拳

送羅生少陸

羅生黃山來從我梅溪游齒髮最年少學問能自修短
檠照深夜細字書蠅頭大業心欲潛遺編力旁搜新文
有佳趣日進殊未休吾愧河汾翁子學常與收行將拭
老眼萬里看驛鴻一葉下庭臯大火當西流遙望河陽
雲俄登李膺舟交朋重惜別挽袖終不留吾腸百鍊剛
亦作繭緒抽籍也不吾叛尋盟定高秋

送茹生履

燈火勤勞覺瘦生望雲心斷涕從橫賢關春信無多日

手折梅花贈子行

乙丑冬罷會呈諸友

繆意開家塾微才愧斗筲雖逃有若叱寧免孝先嘲尚
賴知心友能全耐久交殷勤惜別意終日在梅梢

江上遇風二絕

薄暮登舟海颺生短蓬欹側浪崢嶸江神正好憐行客
莫待他時却世情

弭棹乾門
乾音干海
上山名浪未平同舟太半已山行自慙不

是婁師德免葬江魚賴友生

宿黃巖妙智院

問訊開山始于今二百年徑幽微見竹社廢尚遺蓮觀
頌思元老游庵憶舊禪忽忽一宿客未盡滌塵緣
院有照

庵
趙清獻作
名滌慮

過黃巖

三日離家客悠然覺路長梅花十里眼竹葉一杯腸詩

思貪佳境眉頭憶故鄉江山看未足回首隔滄浪

宿慶善寺

剛被篤工誤遲留一日裝川塗隔浩渺燈火亂昏黃呼
僕回行李尋僧宿上方山前十里雪夜入夢魂香

過天台

目逆神仙路丹成未暇躋雪深封佛壠雲暗鎖桃溪流
水無還有亂山高復低欲尋劉阮洞歸路恐成迷

過新昌

杖屨登關嶺山行無住時客情渾在眼鄉思苦關眉石
現金僊像谿蟠阮肇祠越山都幾點收拾上新詩

觀石佛

土木塗金巧逼真總隨浮幻化埃塵何人着意鐫山骨
長現金剛不壞身

戴溪亭

高士逃名隱此溪凭欄遐想獨徘徊不知吾祖乘舟後
得得誰從雪裏來

曹娥廟

慟哭無尋處投江竟得屍風高烈女傳名重外孫碑荒
草沒孤冢洪濤春古祠懷沙為誰死翻媿是男兒

宿驛輿

未是他鄉客思家已斷魂明朝春色好宿處近花村

大笑

芙蓉小

題靈峰三絕

家在梅溪水竹間穿雲蠟屐可曾閒雁山新入春游眼

却笑平生未見山

洞中大士半千身
住世端能了世因
應笑玉簫峰下客
馬蹄長踐利名塵

三宿靈峰不為禪
茶甌隨分結僧緣
明朝杖屨丹丘去
帶得烟霞過海船

出雁山

三宿山中始出山
出山心尚在山間
浮名奪我林泉趣
不及高僧一味閒

關嶺遇雪

路近荆溪春雪深此行有媿子猷尋驅馳千里爭蝸角
孤負扁舟自在心

過鑑湖

誰把青銅鑄鑑湖湖光冷浸越王都東風二月西游客
買得扁舟入畫圖

春水如天浪未生扁舟真在鑑中行漁人不問君王覓
占得湖光亦自榮

月夜獨酌

月色撩人不忍眠杖頭獨掛百青錢一杯竹葉那能醉
澆起鄉心更黯然

太學寄夢齡昌齡弟

東望家山幾斷魂白雲飛盡路漫漫須知太學蠶鹽味
不似親闈菽水歡事業未應孤鐵硯弟兄猶喜盡儒冠
行飛直待秋風便好作排空雁字看

丁卯秋赴鹿鳴宴次太守趙殿撰韻

食苹開燕副招求夢草詩成寵士流要得異才聯虎榜
亦容下客盜狐裘早脩慧業欽靈運妄贊元經媿子游
刺史笑談風滿席定應吹拂到瀛洲

赴省治裝有感

記得離家柳未黃歸來三徑菊花香一年強半身為客
席未遑安又趣裝

再過雁山三絕

大龍湫

龍大那容在此湫銀河得得為飛流好乘風雨昂頭角
直到天池最上頭

天柱峯

女媧石爛若為脩四海咸懷杞國憂誰識山中真柱石
擎天功業勝伊周

天聰洞

重華疑到此山中鑿石疏岩達四聰端為草茅憂世士
不教無路獻孤忠

思歸

窓外西風竹數竿秋聲終夜趣歸鞍吾廬此去八百里
歸到家時天未寒

別太學同舍

二年客賢闕傾蓋皆故人况我同舍郎何異手足親鑿
鹽共牢落燈火同悲辛坐覺歲月忘所賴朋友仁西風
起天末浙瀝吹江蘋思歸適所願惜別還霑巾祖席歌
驪駒別腸轉車輪離索恐孤陋重來約新春

戊辰閏八月歸臨安觀舊題脩竹黃楊丁香慨然有感復書三絕于後

吾家風物富檀欒最愛青青耐歲寒千里歸來面蒼玉
不煩時復報平安

同日種松今合抱後來栽柳已參天笑看軒外黃楊樹
我亦如君厄閏年

蕙蘭憔悴菊萎秋葉底藏春已數頭詩客不知花韻別
却言空結雨中愁


欽定四庫全書

梅溪前集

梅溪前集卷三

謹案卷一第三頁前三行達蘭舊作撻覽今改後

做此





總校官庶吉士臣侍朝

校對官中書臣金光悌

謄錄舉人臣秦朴

欽定四庫全書叢要

集部

梅溪前集卷七

四至

詳校官助教臣謝登雋



欽定四庫全書

叢要卷一萬五千八百四十

集部

梅溪前集卷四

宋 王十朋 撰

詩

次韻寶印叔題止庵三絕

鑿石依山作小庵
花香入座月侵簷
雖然眼界無多地
解使人天競聳瞻

容膝茅庵不妄開
欲令人悟止由來
箇中妙意知誰解
多作休休莫莫猜

晚學無由識道真前賢未許繼芳塵道從何進從何止
敢叩無為絕學人

翁府君挽詞

子萬春
婿劉
鎮皆登科

場屋收功不在身蘭馨玉潤總奇人過庭詩禮家風變
坦腹門闈喜氣新華屋產芝雖美瑞白頭生齒誤青春
籃輿方起南游興無奈今年歲在辰

十月十九日雷二十一日雪

前日始驚雷失令今朝忽見雪漫天寒窓夜擁黃紬坐

閑讀春秋隱九年

次韻表叔余叔成示兒

余名艘
璧從子游

父子乃天性鍾情誰不然教之以義方先賢有名言日嚴在所尚私念宜舍旃君子不自教遣隨師友肩青紫乃餘事要當知聖賢居家務孝弟立行防悔愆窮當慕顏回達勿為公孫庶幾幼所學終身可行焉不見下邳丈秀發從妙年束書入賢關日與英雋聯忽作何蕃歸甘旨奉晨昏丘園事高尚腹笥常便便過庭有奇兒詩

禮得家傳勉哉尊所聞慎勿學鄉原

表叔陳景韶挽詞

問舍求田事元龍意本輕功名孤壯志詩酒送平生李
密傷為弟劉牢喜有甥毛叔度其甥也詩書已三世二子盍升

卿

先友嗟無幾公今亦古人平門散車轍蕃榻鎖埃塵甚
媿韋公厚深知管子貧平生談笑地感激淚沾巾

詠述師葡萄

柱杖拈餘戲挿泥草龍珠帳掛簷西荔枝體物差勝棗
畢竟俱非善品題

十一月七日東山省墳因思先子昔年題壁有
山光水色兩依依之句舊屋已壞墨迹不留山
水依然感歎不已因成一絕

松楸一見一傷心亭院淒涼慘樹陰記得先君舊題壁
水光山色恨難禁

寄萬大年

九萬程遙共退飛江南竹葉後先歸儒冠到底輸紈袴

關吏還應笑布衣雖欠姓名聯桂籍不妨歡笑奉親闈

殷勤尊酒論文約却恨還鄉與願違

戊辰春與大年俱下第同歸至會稽

予復還學追補至秋還家

萬季梁和詩留別再用前韻

三年燕雁不同飛一笑相逢慰遠歸搜我肺腸茶著令

予歸與諸友講茶令每會茶指一物為題各舉故事不通者罰命季梁掌之

飲君文字酒淋

衣詩方唱和如仙館予昔招仙館與同舍結詩社近諸友亦多唱和人遽飄零

似省闇畢竟此心元不別祇應形影暫相違

將過萬橋用前韻寄大年先之

三年在阜不鳴飛側翅俱從舊路歸師德量寬真耐事

謂先沈郎詩瘦不勝衣

謂大都緣有職供甘旨可是無

心戀闌闈酒澣葡萄蠶研雪定知此願不吾違

種蘭有感

芝友產岩壑無人花自芳苗分鄭七穉秀發謝諸郎世
競憐春色人誰賞國香自全幽靜操不采亦何傷

再用前韻

誰擢深林秀遙分奕葉芳秉殊漆上客握手擬殿中郎眼
淨見幽韻心清聞遠香當門不及種踐履恐成傷

三月晦日與同舍送春於梅溪因誦賈閻仙詩
云三月更當三十日風光別我苦吟身共君今
夜不須睡未到曉鐘猶是春時有二十八人遂
以齒序分韻

記得來時手自探預知今日思難堪樹頭綠暗鶯如訴

地上紅多蝶尚貪此夜鐘聲那忍聽明朝酒盞可能酣
却因送別還驚我老境如蠶已食三

為麥祈實

陽律臨姑洗宸心念歲饑時羞方廟獻麥實為民祈日
煖輕花吐風和翠浪微敢言因鮒薦願勿作蛾飛會續
來牟頌寧聞告糴譏崆峒今歲熟登薦定無違

次韻萬先之讀莊子

莊生蔽於天先儒已能言六經有真味奚用食馬肝王

何佐其高遺害今猶存夫君高明士寄趣名理間恐蹈
賢者過因詩與君論

己巳梅溪同舍三十人其九人者游從之舊也
酌別之夕獨五人在焉謝子與能猶在予館而
四人者且去矣遂各以其姓賦詩送之

周仲翔

梅溪闡家塾辱與英俊游回首五年舊子獨終始周善
交固耐久厚德堪鎮浮異時行所蘊無媿祖絳侯

李大鼎

賢哉予外兄厚德著鄉里積善有天報鍾秀在吾子學問如馳馬著鞭殊未已西游不負盟早早戒行李

許輝先

子昔從予游方讀紙上語磨礲出圭角翦拂就規矩不為中道廢當振大嶽許行將拭老眼看子驚人舉

謝鵬

之子方妙齡耻為聲俗化三年游梅溪燈火讀深夜男

児四方志萬里思高跨願如芝與蘭毋媿古諸謝

別宋孝先

楚臺風騷客遙遙有竒孫去歲始識面未遑叩淵源但見眉宇間一點陽春溫琴書忽來游文字獲細論經術有根蒂詞章富波瀾時時戲翰墨動輒千萬言子固予所畏語蒙子推尊予嘗語所學文當氣為先氣治古可到何止科第間子賢且樂善服膺每拳拳臨行出新詩殷勤記諸篇好學見雅志予言未應然惜哉有離別後

會何寅緣男兒各自勉事業無窮年

送黃巖三友

聚散本常理未應輕感傷祗因三益友故斷九回腸子
少才俱羨予窮老更忙相將亦行客後會恐參商

又各贈一絕

余如晦

遙遙華胄自由余識量深沉豈淺夫半載從游殊半面
臨行一語可能無

鄭遜志

燈火相親臭味同來何太晚去匆匆未曾箴我膏肓失堪嘆康成道已東

施良臣

學傳士丐舊家聲詩法肩吾旬已成尊酒論文經兩歲却因送別倍鍾情

別余諧

我昔自總角識君先大夫閨門脩子職鄉里號名儒仁

者偶不壽善人宜有孤肯堂能自勉泉下慰榛蕪

別余璧

之子有家學妙齡殊衆兒參乎宜語孝鯉也早聞詩謾
習雕虫技終稀吐鳳詞五車書讀盡定有起家期

別周濬

莫恨知書失太遲妙齡聰子本非奇好因椎魯加鞭策
會見天然泉達時

後七夕二夜同夢齡宿湖邊莊

無用乾坤一腐儒年來蹤跡轉崎嶇身名未就耕桑廢
何日投閒老此湖

弟兄身事各茫然賴有先人二頃田他日青山映黃髮
長如今夜對牀眠

次夜予宿湖南夢齡猶在別業再和前韻寄之
家世衣冠誤襲儒年幾四十尚嵒崿營營世事何時了
乞取湖邊作鑑湖

一襟秋色已淒然雲水初空眼界田那更蕭蕭風雨夜

弟兄分影隔湖眠

宿靈山院

靈山未是別鄉山
回首吾廬咫尺間
明日出山家漸遠
鄉心從此上愁顏

登姚與嶺望家山有感

已作一宿客漸為千里人
吾親白雲下回首一沾巾

與萬先之登丹芳嶺
路人有手持桂花者戲覓
之慨然相贈且言欲施此花久矣又言花名秋

香一名十里香遂與先之分之記以一絕

携手丹梯語話長不知身到碧雲鄉行人相見如相識
贈得岩花十里香

題石梁

蕩中天柱見已久山外石梁今始觀尊者力能回造化
會須移向柱頭安

過雁山

清秋天氣過山中征雁行人路不同從此又勞千里翼

傳書來往浙西東

次先之過雁山韻

雲山繚繞幾千重
撩我秋來逸興濃
欲向靈岩移卓筆
與君同掃萬人鋒

張施二生自黃岩
拏舟送別于台城
贈以二絕不放離人獨解舟片帆相逐到丹丘
客情鄉思從今日
更有思君一段愁

行役那堪八月時
腸非宋玉也應悲
煩君為寄梅溪信

少慰吾親別後思

施生將過梅溪從吾弟夢齡游

過仙人渡

此去神仙路不迷直從洞口到桃溪仙人心境無名利
笑我頻年渡此溪

過百度嶺

嶺下有大惡小惡灘

乘舟剛怕兩灘惡度嶺俄驚百步高僮僕相看話良苦
縱故輕擔亦疲勞

謠云百步無輕擔因借其語

關嶺旅邸觀林同季野去秋題壁

去歲還家秋正杪今年行役暑初殘同行壁上留題處
特下藍輿子細看

望天台赤城山感而有作

神仙境界無戰爭奚用漆此巍巍城吾聞秦皇昔多慾
富貴已極貪長生蓬萊方丈欲親到車轍馬迹無時停
萬騎南巡適吳越天台咫尺行將登仙山不容肉眼見
天為設險藏神靈山中采藥使未返鮑魚已向沙丘腥
秦為防胡築紫塞連年不恤生靈害天亦防秦甚防胡

赤城高峙烟霞外神仙要非求可得祖龍可笑徒勞役
當時劉阮本無心花笑水迎山自闢我向丹丘數往來
羣仙杖舄未容陪揮毫欲續孫公賦愧無擲地金聲才
目極蒼崖千萬丈世無仙骨那能上直湏內外兩丹成
駕鶴驂鸞如指掌

柘溪道傍有班竹百餘挺蕭洒可愛與先之賞
翫移時因念鄉間無是種約異日移其根予戲
誦君看江上千竿竹不是男兒淚點班之句遂

發一笑既而作數語解異世婦人之嘲且志不必移根也

男兒有淚不染竹當作包胥賈生哭湘源遺種雖可愛
節目尚餘兒女態誰能千里移此根出門又恐添啼痕
不如還家種慈竹不厭千竿萬竿綠

代婦人答

君勿題詩訾湘竹君勿笑他兒女哭人為鍾情故生愛
夫婦相思乃常態為君飄蕩太無根兩臉盡是思君痕

安得相依似雙竹長保千秋萬秋綠

題劉阮祠用過仙人渡韻

澗水桃花路易迷不同人世下成蹊自從重入山中去

烟雨深深鎖舊溪

至剡溪寄夢齡昌齡

歎歲為行客清秋別故園自從離雁蕩長是念鵠原世
路疲來往親闡廢清溫減書付歸僕銷盡旅中魂

剡溪舟中有感

又作游吳客重登入越舡西風桑葉岸細雨菊花天旅
思秋偏惡鄉心夜不眠錢塘江上月行見十分圓

前中秋一日舟過山陰晚稻方熟忽動鄉思呈

先之

西風吹白蘋游子千里征扁舟入鑑湖水月相涵明山
陰晚稻熟萬頃黃雲平憑湖屬遠目動我鄉曲情豈不
有一飽胡為苦營營五年倦來往爭此蝸角名未知得
失間奚辱亦奚榮何當畢所願同歸及春耕

夜泊蕭山酒醒夢覺月色滿舡感而有作

候屆星虛午夜涼更堪停棹水中央短蓬破處漏明月
歸夢斷時思故鄉客裏未忘詩酒趣老來厭逐利名場
明朝又向錢塘去十里西風桂子香

十月二十八日母氏劬勞之日也哀痛中書二

十八字

懸孤謾喜生良月看鏡堪嗟已二毛不見雙親空泣血
此生無計報劬勞

次韻昌齡游白石二詩

道岩東際白石二佳境也予未之見昌齡弟比嘗登覽作二詩以寄模寫景物之奇蓋吾家摩詰二幅山水圖也秋涼一訪之當按詩以游不必假圖經矣因次韻見意

飛流噴沫下烟嵐肯使名同盜與貪莫訝來時多汨汨定知止處却潭潭遙通雁蕩靈湫兩巍壓龍門巨浪三好景不煩摩詰畫盡歸詩客句中含

右東際

未窮脚力上層霄想象名山興亦高物外游人身挿羽
洞中仙客體生毛利名奔走嗟吾老杖屢徜徉羨子豪
鳬鳥共游端有日預期木葉下亭皋

右道岩

再和二首

佛國飛來百尺嵐要將法水洗嗔貪仙人錯認蓬萊島
騷客羞談鈆鉶潭觀盡豈須窮莫四悟來初不異前三

水有七際諸友始登
其三以日暮而回 莫將七際觀東際法界三千際際
含

少和丹就已登霄岩與仙風雨並高甚欲此身參鶴馭
尚嫌多事類牛毛雲間雞犬年猶永世上英雄意謾豪
堪羨北山山下客不緣射雉亦如臯

贈萬序

弦誦先間里東平典則存殘膏沾後學餘慶在重孫事
業年方少功名志可吞時人貪擇鬻慎勿為財婚

過萬橋哭潘先生

投老西游志不成死生貧賤見交情江頭昨夜潮聲怒
却為先生氣不平

先生有題伍子胥廟詩云大江
今古潮聲怒長為將軍氣不平

夏伯虎贈雙鯉

知我山間久食蔬遙分七十二鱗魚不妨時遣長鬚至
要得頻看尺素書

貧家連歲蠶荒今年尤甚妻孥有號寒之患每
欲以酒自寬酒惡竟不能醉拙於生事殊可笑

也表弟萬大年家蠶熟酒醇有足樂者因思舊
詩有剥裁桑柘教妻蠶句遂和以寄之

年踰四十尚何堪愈老生涯愈不諳何以代耕猶未仕
初無可樂誤為男號寒兒訝桑條沃飲酒賓嫌蜜汁甘
堪羨通家萬公子細君善釀更能蠶

大年和詩再用韻

年少如君種種堪文場世事兩俱諳何憂晁錯不高第
未怕杜陵無好男

大年詩有未
祿無男之歎

况有田園足耕養好窮

水陸奉肥甘更須猛割閨房愛來與荀鄉共賦蠶

李梗和詩復用前韻

維摩老病思何堪藥性從今却漸諳掩卷正思眠文室
論文俄喜遇奇男共嗟世路羊腸險剛怕人情鼠口甘
聳壑昂霄君未晚吾衰已是食三蠶

用前韻寄周光宗

炎涼世態可能堪肺腑唯蒙長者諳耐久敢忘三世好

同庚况有兩家男

孟甲與光
宗子同庚

我嗟風樹徒悲苦君奉庭

闔備旨甘他日相看兩黃髮願為隣舍話田蠶

送李梗

梅始花時送子歸
梅黃雨細又分離
不堪旅食見飛燕
那更催歸聞子規
太白讀書容有趣
少卿惜別可無詩
霜臺清峭家風在
努力功名少壯時

梅溪前集卷四